

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. i 69. Statuta Općine Centar Sarajevo-Prečišćeni tekst („Službene novine Kantona Sarajevo“, broj: 23/04) i Odluke o izvršavanju Budžeta Općine Centar Sarajevo za 2023. godinu („Službene novine Kantona Sarajevo“, broj 02/23 i 21/23), Općinski načelnik Općine Centar, donosi

P R A V I L N I K

o dodjeli novčanih podsticaja farmerima u cilju očuvanja postojećeg stočnog fonda

I OPĆE ODREDBE

Član 1. (Predmet)

Ovim Pravilnikom utvrđuju se uslovi i kriteriji za dodjelu novčanih podsticaja farmerima u cilju očuvanja postojećeg stočnog fonda na području Općine Centar Sarajevo.

Član 2. (Korisnici)

Pravo učešća po Javnom pozivu imaju sva zainteresovana fizička lica i obrtnici koji imaju prebivalište/sjedište na području Općine Centar Sarajevo i ispunjavaju uslove propisane ovim Pravilnikom.

II USLOVI ZA OSTVARIVANJE PRAVA UČEŠĆA KANDIDATA U PROJEKTU

- (1) Pravo na dodjelu novčanog podsticaja mogu ostvariti kandidati ukoliko zadovolje sljedeće opšte i posebne uslove:

Član 3.
(Opšti uslovi)

(1) Opšti uslovi za ostvarivanje prava na direktni novčani podsticaj su:

- 1) da podnosioc zahtjeva - fizičko lice, ima stalno prebivalište i drži stoku na području Općine Centar Sarajevo;
- 2) da je vlasnik obrta registrovan za obavljanje poljoprivredne djelatnosti sa sjedištem na području Općine Centar Sarajevo i drži stoku na području Općine Centar Sarajevo;
- 3) da je podnosioc zahtjeva upisan u Registar poljoprivrednih gazdinstava i Registar klijenata, kao i Registar pčelara (samo za pčelare) u nadležnoj Službi Općine Centar Sarajevo i da je izvršio ažuriranje podataka u tekućoj godini;
- 4) da podnosioc zahtjeva ima potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (prilog V iz tekuće godine);
- 5) da podnosioc zahtjeva ima potvrdu o površini i lokaciji objekta u kojem je dozvoljeno držanje stoke izdatu od nadležne općinske Službe Općine Centar Sarajevo, izuzev za zahtjeve koji se odnose na pčelarstvo i uzgoj koka nosilja na otvorenom i da se objekat za držanje stoke nalazi na području na kojem je dozvoljeno držanje stoke u skladu s Odlukom o držanju stoke na teritoriji Općine Centar Sarajevo-A12 iz tekuće godine („Sl. novine Kantona Sarajevo“, br.9/15);
- 6) da podnosioc zahtjeva ima otvoren račun u banci (aktivan).

Član 4.
(Potrebna dokumentacija za opšte uslove)

- (1) Kandidat koji želi ostvariti pravo na dodjelu novčanih sredstava dužan je uz zahtjev dostaviti dokumentaciju kojom dokazuje ispunjavanje opštih i posebnih uslova, u originalu ili ovjerenim kopijama i to:
- a) Zahtjev za dodjelu sredstava (potpisan od podnosioca zahtjeva);
 - b) Prijava o mjestu stalnog prebivališta ne starija od 6 mjeseci,(CIPS za fizička lica-original ili ovjerena kopija za tekuću godinu samo za podnosioc zahtjeva koji nisu predali navedenu prijavu u okviru Javnih poziva u tekućoj godini);
 - c) Potvrda o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo – prilog V (original ili ovjerena kopija za tekuću godinu za podnosioc zahtjeva koji nisu predali navedenu potvrdu u okviru Javnih poziva u tekućoj godini);
 - d) Potvrda/obavijest/instrukcije o otvorenom računu u banci (original ili ovjerena kopija za tekuću godinu samo za podnosioc zahtjeva koji nisu predali navedeni dokument u okviru Javnih poziva u tekućoj godini);
 - e) Podnosioci zahtjeva koji imaju registrovanu poljoprivrednu djelatnost, dužni su dostaviti Uvjerjenje o izmirenim poreskim obavezama za tekuću godinu (original ili ovjerena kopija za tekuću godinu).

Član 5.
(Posebni uslovi za animalnu proizvodnju)

- (1) **Posebni uslovi za animalnu proizvodnju za ostvarivanje prava na novčani podsticaj:**
- a) Za ostvarivanje prava na novčani podsticaj za **uzgoj mliječnih krava**, kandidat treba da ispunjava sljedeće uslove:
- 1) da posjeduje najmanje 2 (dvije) muzne krave;
 - 2) da posjeduje obrazac V-POM za muzne krave ;
 - 3) da dostavi ovjerenu izjavu u Općini da će krave za koje ostvari podsticaj zadržati najmanje godinu dana na gazdinstvu.
- b) Za ostvarivanje prava na novčani podsticaj za uzgoj i držanje **priplodnih junica**, kandidat treba da ispunjava sljedeće uslove:
- 1) da posjeduje pasoše za svaku junicu na ime klijenta;
 - 2) da uzgoji najmanje jednu junicu;
 - 3) da posjeduje uvjerenju/potvrdu o vještačkom osjemenjavanju junice i utvrđenoj gravidnosti/steonosti ne manje od četiri mjeseca, izdato od ovlaštene veterinarske stanice;
 - 4) da dostavi ovjerenu izjavu u Općini da će junice za koje ostvari podsticaj zadržati najmanje godinu dana na gazdinstvu.
- c) Za ostvarivanje prava na novčani podsticaj za uzgoj **tovne junadi**, kandidat treba da ispunjava sljedeće uslove:
- 1) da utovi najmanje troje junadi;
 - 2) da posjeduje muški podmladak za tov i da tovi nabavljenu junad;
 - 3) da su tova junad uvedena u tov do starosti max.6.mjeseci, što dokazuje stočnim pasošom;
 - 4) da maksimalnu težinu junadi pri ulazu odnosno minimalnu težinu pri izlazu iz tova dokazuje zapisnikom Ministarstva privrede Kantona Sarajevo, Odjeljenje za poljoprivredne stručne poslove;
 - 5) da posjeduje pasoše za junad;
 - 6) da posjeduje pasoše i obrasce o kretanju (C obrazac) za kupljenu junad na području BiH;
 - 7) da posjeduje carinsku deklaraciju i pasoš za uvezenu junad.
- d) Za ostvarivanje prava na novčani podsticaj za **uzgoj teladi od vlastitih krava** namjenjenih daljem tovu, kandidat treba da ispunjava sljedeće uslove:
- 1) da je uzgojio telad starosti od najmanje dva mjeseca na vlastitom gazdinstvu;
 - 2) da posjeduje pasoše za telad;
 - 3) da dostavi izjavu da će telad nakon završenog vlastitog uzgoja držati u tovu junadi na period minimalno 7 mjeseci.
- e) Za ostvarivanje prava na novčani podsticaj za **farmu ovaca**, kandidat treba da ispunjava sljedeće uslove:
- 1) da posjeduje farmu ovaca sa minimalno 30 (trideset) grla;
 - 2) da su sve ovce obilježene u skladu sa Pravilnikom o obaveznom obilježavanju;
 - 3) da dostavi izjavu da će brojno stanje ovaca za koje ostvari podsticaj zadržati najmanje godinu dana na gazdinstvu.

f) Za ostvarivanje prava na novčani podsticaj za **farmu koza**, kandidat treba da ispunjava sljedeće uslove:

- 1) da posjeduje farmu sa minimalno 25 (dvadeset pet) grla;
- 2) da posjeduje saglasnost nadležne općinske službe za držanje koza u stajskom uzgoju;
- 3) da ispunjava uslove za držanje koza u skladu sa Zakonom o zabrani držanja koza;
- 4) da su sve koze obilježene u skladu sa Pravilnikom o obaveznom obilježavanju;
- 5) da dostavi izjavu da će brojno stanje koza za koje ostvari podsticaj zadržati najmanje godinu dana na gazdinstvu.

g) Za ostvarivanje prava na novčani podsticaj za **farmu koka nosilja**, kandidat treba da ispunjava sljedeće uslove:

- 1) da posjeduje farmu sa minimalno 200 (dvije stotine) koka nosilja;
- 2) da posjeduje fakturu i fiskalni račun o nabavci koka nosilja od registrovanog proizvođača na ime podnosioca zahtjeva, za godinu u kojoj podnosi zahtjev;
- 3) da na farmi u toku uzgoja provodi veterinarske mjere.

h) Za ostvarivanje prava na novčani podsticaj za **pčelinjak**, kandidat treba da ispunjava sljedeće uslove:

- 1) da posjeduje minimalno 30 pčelinjih društava;
- 2) da je upisan u Registar pčelara u nadležnoj Općinskoj službi;
- 3) da je pčelinjak lociran na području Općine Centar, na vlastitom ili zakupljenom zemljištu;

III FINANSIJSKA SREDSTVA I NOSILAC AKTIVNOSTI

Član.6 (Nosilac aktivnosti)

(1) Služba za privredu i poslovne prostore je nosilac aktivnosti vezanih za realizaciju Projekta.

Član.7 (Finansijska sredstva)

(1) Sredstva za realizaciju Projekta obezbjeđena su u Budžetu Općine Centar Sarajevo na kodu 614200 .

(2) Javni poziv obuhvata dodjelu novčanih sredstava kako je navedeno u tabeli:

Rbr.	Vrsta proizvodnje	Iznos KM (Fizička lica)	Iznos KM (obrti)	Norme
1	ANIMALNA PROIZVODNJA			
a.	Farma mliječnih krava	110,00/grlo	130,00/grlo	2-10 grla
b.	Vlastiti uzgoj i držanje priplodnih junica	120,00/grlo	140,00/grlo	1-7 grla
c.	Uzgoj tovne junadi	110,00/grlo	130,00/grlo	3-10 grla
d.	Uzgoj teladi od vlastitih krava	110,00/grlo	130,00/grlo	3-10 grla

e.	Farma ovaca	16,00/grlo	18,00/grlo	30-200 grla
f.	Farma koza	16,00/grlo	18,00/grlo	25-100 grla
g.	Farma koka nosilja	0,80	1,00	200-2500
h.	Pčelinjak	15,00/pč. društvo	17/pč. društvo	30-150 pč.društava

Podnosioc zahtjeva prilikom predaje zahtjeva može ostvariti novčani podsticaj **za sve kategorije**, prateći gore navedeni minimalan i maksimalan broj stoke koji mora imati, ukoliko preda potvrde o provedenim veterinarskim mjerama (prilog V) za te kategorije za koje želi ostvariti podsticaj.

IV PROCEDURA PO JAVNOM POZIVU

Član 8. (Javni poziv)

- (1) Služba za privredu i poslovne prostore će objaviti Javni poziv za dodjelu novčanih podsticaja farmerima na području Općine Centar Sarajevo u jednim od dnevnih listova, na web stranici i oglasnoj ploči Općine Centar.
- (2) Javni poziv sadrži: uslove koje kandidat mora ispunjavati, rok za podnošenje prijave i druge potrebne podatke;
- (3) Odluka o rezultatima Javnog poziva će biti objavljena na web stranici i oglasnoj ploči Općine Centar.

Član 9. (Odabir kandidata)

- (1) Komisiju imenuje Općinski načelnik.
- (2) Komisija se sastoji od najmanje tri člana iz reda državnih službenika.
- (3) Komisija ima zadatak da u skladu sa odredbama ovog Pravilnika i na osnovu propisanih kriterija objavljenih u Javnom pozivu izvrši vrednovanje dostavljenih prijava, te sačini pismeni izvještaj sa utvrđenim Prijedlogom raspodjele sredstava i dostavi ga Općinskom načelniku.
- (4) Komisija može izaći na teren, te zapisnički konstatovati utvrđeno činjenično stanje u vezi ispunjavanja uslova propisanim ovim Pravilnikom, kao i tražiti upotpunu dokumentacije.
- (5) Komisija radi u punom sastavu i za svoj rad je odgovorna Općinskom načelniku.
- (6) Na osnovu prijedloga Komisije, Općinski načelnik će donijeti Odluku o dodjeli novčanih podsticaja u cilju očuvanja stočnog fonda, te će ista biti objavljena na web stranici i oglasnoj ploči Općine Centar Sarajevo.
- (7) Na osnovu Odluke o dodjeli novčanih podsticaja za očuvanje stočnog fonda poljoprivrednih proizvođača Općine Centar, koji se bave animalnom proizvodnjom, Općinski načelnik će sa odabranim Korisnicima zaključiti Ugovor.

V MONITORING

Član 10. (Monitoring)

- (1) Odobrena sredstva će biti uplaćena na bankovni račun Korisnika.
- (2) Korisnik kome budu dodjeljena sredstva dužan ih je namjenski utrošiti, u cilju očuvanja stočnog fonda.
- (3) Služba zadržava pravo višekratne provjere do isteka godine za činjenično stanje, u skladu sa datom izjavom i ukoliko se utvrdi da su sredstva na ime novčanih podsticaja utrošena nenamjenski, odnosno da korisnik postupi suprotno izjavi, Općina Centar će pokrenuti postupak za povrat sredstava.
- (4) Novi zahtjev za podsticaj iz člana 7. ovog pravilnika korisnik može podnijeti nakon dvije godine, od dana povrata sredstava.

VI ZAVRŠNE ODREDBE

Član 11. (Pravo prigovora)

Podnosioci zahtjeva koji nisu ostvarili pravo na podsticaj imaju pravo na izjavljivanje prigovora općinskom načelniku u roku od 8 dana od dana objavljivanja Odluke.

Član 12. (Nadzor)

Realizaciju i nadzor u procesu dodjele i implementacije podsticajnih sredstava u skladu sa odredbama ovog Pravilnika vršiće Općinski Načelnik putem Službe za privredu i poslovne prostore.

Član 13. (Vremenska važnost Pravilnika)

Pravilnik stupa na snagu danom objave na oglasnoj ploči Općine Centar.

Broj: 16-11-10276/23 Sarajevo, 13.11.2023. godine	OPĆINSKI NAČELNIK Srđan Mandić
--	---